

Ugovor
o nabavci robe

I UGOVORNE STRANE

KJP „ZOI'84 OCS“ d.o.o. Sarajevo

Sjedište: Alipašina bb, 71000 Sarajevo
Koga zastupa direktor mr.sci Nevres Alispahić
Identifikacijski broj: 4200347000004
(u daljem tekstu: Kupac)

i

Uni-Expert d.o.o.

Sjedište: Srđana Aleksića 14, 71000 Sarajevo
Koga zastupa direktor Pezo Adnan
Identifikacijski broj: 4245018500008
Porezni identifikacijski broj: 245018500008
Transakcijski broj banke, ime i sjedište banke: 1410010001470879 BBI Bank dd
(u daljem tekstu: Prodavac)

II PREDMET UGOVORA

Član 1.

Predmet ovog Ugovora je nabavka računarske opreme i softvera, prema tenderskoj dokumentaciji Kupca broj: 3492/18 od 21.11.2018. godine i ponudi Prodavca, broj: 18-V13466 od 10.12.2018. godine, koji su u prilogu ovog Ugovora i čine njegov sastavni dio.

Član 2.

Predmet ugovora obuhvata i sporuku instalaciju, tesiranje i puštanje u rad opreme iz člana 1. ovog Ugovora na adresu Kupca.

III OBAVEZE PRODAVCA

Član 3.

Prodavac je naročito dužan:

- a) uz predmet nabavke dostaviti i sve neophodne dijelove, materijale i softwere koji čine integralni operativni dio svake komponente, a koji su neophodni za normalno funkcionisanje iste;
- b) ponuđač je dužan navedenu opremu isporučiti na lokaciji, instalirati, testirati i pustiti u rad.

IV CIJENA I NAČIN PLAĆANJA

Član 4.

(1) Ukupna vrijednost predmetnog ugovora iznosi **22.530,84 KM** (slovima: dvadesetdvijehiljadepetstotinatrideset i 84/100 konvertibilnih maraka) sa uključenim PDV-om, odnosno **19.257,13 KM** (slovima: devetnaesthiljadadvijestotinepedesetsedam i 13/100 konvertibilnih maraka) bez uključenog PDV-a.

Član 5.

(1) Kupac će izvršiti plaćanje najkasnije 60 dana od dana prijema fakture Prodavca.

(2) Prodavac će ispostaviti fakturu nakon isporuke, instaliranja, testiranja i puštanja u rad predmetnih roba i kvalitativnog i kvantitativnog prijema istih od strane Kupca.

V NAČIN I ROK REALIZACIJE UGOVORA

Član 6.

Prodavac se obavezuje da u roku od 15 (petnaest) dana od dana potpisivanja ovog ugovora, isporuči, instalira, testira i pusti u rad robe koji su predmet ovog Ugovora.

Član 7.

O eventualnim nedostacima u količini i kvalitetu predmetne nabavke Kupac će Prodavca izvijestiti odmah, a najkasnije u roku od 7 (sedam) dana od dana puštanja robe u rad.

Član 8.

(1) Garancija za predmetnu robu je 12 mjeseci.

(2) Garantni rok počinje teći od dana kvalitativnog i kvantitativnog prijema predmetne robe.

(3) U garantnom roku ponuđač je dužan pružiti sljedeći nivo servisnih usluga:

- a) Odziv na zahtjev za obezbjeđenje tehničke podrške u roku od manje od 2 sata. Pod ovim se podrazumijeva maksimalno vrijeme u kome će se ponuđač odazvati na poziv za pomoć od strane korisnika;
- b) Vrijeme između odziva na zahtjev i dolaska na lokaciju u slučaju potreba za intervenciju ponuđača na lokaciji korisnika u roku od 24 sata. Prilikom dolaska na lokaciju ponuđač je dužan obezbijediti zamjenski računar (ili ako je moguće dio) ukoliko nije u stanju da na licu mjesta otkloni hardverski problem na računaru koji ga čini neupotrebljivim;
- c) Vrijeme između prve intervencije ponuđača na lokaciji korisnika i konačnog otklanjanja problema u roku od manje od 7 (sedam) dana. Pod otklanjanjem problema se podrazumijeva i zamjena privremenom opremom istih karakteristika;
- d) Nakon isteka garantnog roka, dobavljač je dužan osigurati postojanje servisa na području Kantona Sarajevo kao i rezervnih dijelova za isporučenu opremu minimalno u trajanju od 5 (pet) godina, što će biti predmet eventualnog posebnog ugovaranja na godišnjem nivou;
- e) Pod vremenom obezbjeđivanja servisnih usluga se podrazumijeva period ponedjeljak – petak od 8 do 15 sati osim zvaničnih državnih praznika na području na kome se nalazi korisnik.

(4) Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Kupca: Azur Prčić, tel: 061/058-255;
- za Prodavca: Elvis Holjan, tel: 033/716-340.

VI STUPANJE NA SNAGU I RJEŠAVANJE SPOROVA

Član 9.

(1) Ovaj Ugovor stupa na snagu danom obostranog potpisivanja od strane ugovorenih strana.

(2) U slučaju kašnjenja u isporuci roba do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

(3) Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 10.

Svaka od ugovorenih strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana.

Član 11.

Sve eventualne sporove ugovorene strane će se rješavati mirnim putem, a ako u tome ne uspiju, ugovaraju nadležnost suda u Sarajevu.

VII OSTALE ODREDBE

Član 12.

Prodavac nema pravo da u svrhu izvršenja ovog Ugovora zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

Član 13.

Za uređenje ugovorenih odnosa koji nisu utvrđeni ovim Ugovorom, a proisteknu prilikom njegove primjene, primjenjivati će se odgovarajuće odredbe Zakona o obligacionim odnosima.

Član 14.

Punovažne i obavezujuće su samo one izmjene i dopune ovog Ugovora koje su sporazumne strane sačinile sporazumno i upisanoj formi.

Član 15.

Ovaj Ugovor je sačinjen u 4 (četiri) istovjetna primjerka od kojih svaka ugovorena strana zadržava po 2 (dva) primjerka.



Pezo Adnan, direktor

Datum: _____ 2018. godine

Broj: DS-605/18



mr. sc. Nevres Alispahić, direktor

Datum: 26.12. 2018. godine

Broj: 3994/18